



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Internal Affairs

**Broj: 01-11-4-6919-4**  
**Sarajevo, 29.03.2023. godine**

Na osnovu člana 21. stav (3) tačka c) Zakona o unutrašnjim poslovima Kantona Sarajevo ("Službene novine Kantona Sarajevo", br. 1/16, 26/19, 31/19 i 39/20)) i člana 69. stav (2) tačka d) i člana 70. stav (4) Zakona o javnim nabavkama („Službeni glasnik Bosne i Hercegovine”, br. 39/14, 59/22) ministar Ministarstva unutrašnjih poslova Kantona Sarajevo **donosi**

## **ODLUKU**

**o poništenju postupka javne nabavke višenamjenskog helikoptera sa pratećom opremom za potrebe Ministarstva unutrašnjih poslova Kantona Sarajevo**

### **I**

**(Predmet nabavke)**

Predmet poništenja javne nabavke je nabavka višenamjenskog helikoptera sa pratećom opremom za potrebe Ministarstva unutrašnjih poslova Kantona Sarajevo.

### **II**

**(Stupanje na snagu)**

Ova odluka stupa na snagu danom donošenja

## **O B R A Z L O Ź E N J E**

Rješenjima Ministarstva unutrašnjih poslova Kantona Sarajevo broj: 05-1-30-1-5738-1, od 28.01.2022. godine, broj: 05-1-30-1-5738-2/21, od 06.07.2022. godine i broj: 05-1-30-1-5738-3/21, od 04.11.2022. godine imenovana je Komisija za provođenje postupka javne nabavke helikoptera sa pratećom opremom za potrebe Ministarstva unutrašnjih poslova Kantona Sarajevo.

Na osnovu Odluke o pokretanju postupka nabavke broj 01-11-4-6919 od 02.12.2022. godine i Obavještenja o nabavci broj 1364-1-1-87-3-61/22 od 05.12.2022. godine i Ispravke obavještenja broj: 1364-1-1-87-8-5/23 od 13.01.2023. godine, na portalu Agencije za javne nabavke objavljen je postupak nabavke višenamjenskog helikoptera sa pratećom opremom za potrebe Ministarstva unutrašnjih poslova Kantona Sarajevo, putem otvorenog postupka sa međunarodnom objavom, sa namjerom zaključivanja ugovora na period duži od jedne godine.

U toku postupka postavljeno je 11 pitanja, u okviru kojih je postavljeno 57 podpitanja putem portala javnih nabavki od strane ponuđača. Na ista je odgovoreno u zakonskom roku, te izvršene dvije izmjene tenderske dokumentacije.



Adresa: Sarajevo, La Benevolencije 16  
Tel: + 387 (0)33 286-701, 286-702,  
Fax: + 387 (0)33 226-445

Web: <http://mup.ks.gov.ba>, Email: [ministar@mup.ks.gov.ba](mailto:ministar@mup.ks.gov.ba)

Putem portala [www.ejn.gov.ba](http://www.ejn.gov.ba) tendersku dokumentaciju je preuzelo 27 ponuđača, prvu izmjenu Tenderske dokumentacije preuzelo je osam ponuđača, a drugu izmjenu Tenderske dokumentacije preuzelo pet ponuđača.

Kriterij za dodjelu ugovora, u skladu sa članom 64. ZJN bio je "**najniža cijena**", pri čemu su se ponuđači u potpunosti morali pridržavati zahtijevane tehničke specifikacije.

Komisija je izvršila otvaranje prispjelih ponuda, dana 07.02.2023. godine, sa početkom u 13:00 sati, u prostorijama Sjedišta MUP-a Kantona Sarajevo.

Zapisnik o otvaranju ponuda sačinjen i isti je dostavljen ponuđačima u zakonskom roku.

Dana 07.02.2023. godine na Pisarnici MUP-a Kantona Sarajevo, zaprimljena je žalba na TD od strane potencijalnog ponuđača „PATRIOT“ d.o.o. Tešanj. Navedena žalba je dostavljena Komisiji 10.02.2023. godine od strane Pisarnice, nakon čega je Zaključkom postupak odgođen do okončanja postupanja po zaprimljenoj žalbi. Putem Portala EJN svi ponuđači koji su preuzeli TD su obavješteni o zaprimljenoj žalbi i Zaključku o odgađanju postupka.

Nakon što je utvrđena blagovremenost i dopuštenost žalbe, ista je u skladu sa članom 100. ZJN kompletirana sa izjašnjenjem i prosljeđena URŽ-u.

Dana 10.03.2023. godine zaprimljeno je rješenje po žalbi od strane URŽ-a, kojim je predmetna žalba odbačena kao neuredna. Obzirom na navedeno, Komisija je nastavila postupak ispitivanja kvalifikovanosti dostavljenih ponuda.

Komisija je izvršila kontrolu dostavljene dokumentacije, način uvezivanja ponuda, primjenu propisane forme dostavljenih dokumenata, validnost ponude, njen potpis i ovjeru, računsku kontrolu te je izvršen pregled i provjera drugih dokumenata i konstatovano je da su **sve prispjele ponude nepotpune, odnosno niti jedna pristigla ponuda nije ispunila kavalifikacijske uslove, odnosno sve pristigle ponude su formalno-pravno neispravne.**

**Naime, ponuda ponuđača KM TRADE d.o.o. Visoko nije ispunila kvalifikacijske uslove tražene Tenderskom dokumentacijom broj: JN-01-11-4-6919 kako slijedi:**

- Nije dostavljena Bezuslovna bankarska garancija za ozbiljnost ponude, tražena u TD, u tački 26. Garancija za ozbiljnost ponude u ponudi broj 1219/1-23, na strani broj 49 dostavljen obrazac bankarske garancije koji nije potpun.
- U Aneksu XI -Osnovni elementi ugovora, ne podudara se iznos ukupne vrijednosti ugovora koja glasi 27.778.205,15 KM bez PDV-a, sa ukupnom vrijednosti navedenoj u Aneksu II-obarazac za ponudu i III – obrazac za cijenu ponude ( U Aneksu IX na strani broj 5, ponude broj 1219/1-23 i Aneksu III na strani broj 58, navedena vrijednost u iznosu od 27.777.777,80 KM).
- Nije dostavljen niti jedan traženi dokaz kojim se dokazuje Ispunjavanje uslova propisanih članom 49. ZJN – odnosno ispunjavanje tehničke i profesionalne sposobnosti koja je tražena tenderskom dokumentacijom u tački 12.3 od a) do g).
- U Obrascu za ponudu ponuđena je vrsta i model helikoptera za koji su stručna tehnička lica nakon dodatne provjere potvrdili da se više ne proizvodi.
- Aneks III Obrazac za cijenu ponude nije potpun u skladu sa zahtijevom u TD.
- U tabeli sa zahtijevanom tehničkom specifikacijom nije naveden nijedan traženi podatak, već je u kolonu predviđenu za odgovore unesen potpuno isti tekst iz kolone sa zahtjevima.

**Ponuda ponuđača „SHOT“ d.o.o Zenica također nije ispunila minimalne kvalifikacijske uslove koji su traženi Tenderskom dokumentacijom broj JN-01-11-4-6919, kako slijedi:**

- Ponuđač SHOT“ d.o.o. Zenica nije dostavio ispravnu Bezuslovnu bankarsku garanciju za ozbiljnost ponude kako je tražena u tački 26. TD. Ponuđač je na strani broj 671 Ponude broj 22-235-KT-2 od 27.01.2023. godine dostavio bankarsku garanciju za ozbiljnost



- ponude koja glasi na „SHOT“ d.o.o. Zenica, a potrebno je da predmetna garancija bude izdata na MUP KS. Također ponuđač „SHOT“ d.o.o Zenica dostavio je trasirane mjenice na ime Grancije za ozbiljnost ponude što Ugovorni organ nigdje nije zahtijevao u TD.
- Ponuda nije ispunila ni uslove iz člana 49. ZJN u kojem se traži da ponuđač dokaže tehničku i profesionalnu sposobnost traženu tačkom 12.3 od a) do g) TD, a što isti ničim nije dokazao, jer svi dostavljeni dokazi glase na „BELL“, a ne na SHOT d.o.o. Zenica (strana od br. 89 do str. Br.144 Ponude broj 22-235-KT-2 od 27.01.2023. godine), a kako Ponuđač nije osnovao grupu ponuđača ili konzorcij sa imenovanom kompanijom, dostavljeni dokazi ne mogu biti prihvaćeni.
  - Ponuda ponuđača „SHOT“ d.o.o. Zenica znatno prekoračuje procijenjenu vrijednost predmetne nabavke, odnosno znatno prekoračuje novčana sredstva koja je Ugovorni organ planirao za ovu nabavku. Naime, ponuđena vrijednost nabavke iznosi 35.700.000,00 KM, a procijenjena vrijednost 27.777.777,80 KM što predstavlja prekoračenje u iznosu od 7.922.222,20 KM ili 28,52 % .

**Ponuda ponuđača „LEONARDO“ S.p.A. nije ispunila u potpunosti kvalifikacijske uslove tražene Tenderskom dokumentacijom broj: JN-01-11-4-6919 na način da:**

- U ponudi dostavljene Izjave po članu 45. i 52. ZJN (strana broj 63 i strana broj od 326. do 329. Ponude broj: ML-WW-20221222-372) koje nisu ovjerene kod nadležnog organa, što je zahtijevano tačkom 10. TD / Uslovi za kvalifikaciju- lična sposobnost (član 45. Zakona o javnim nabavkama).
- Vrijednost predmetne ponude znatno prelazi procijenjenu vrijednost nabavke ugovornog organa, odnosno znatno prekoračuje novčana sredstva koja je Ugovorni organ planirao za ovu nabavku. Naime, ponuđena vrijednost nabavke iznosi 36.102.665,97 KM a procijenjena vrijednost 27.777.777,80 KM što predstavlja prekoračenje u iznosu od 8.324.888,17 KM ili 29,97 %.

**Stoga je ugovorni organ obavezan, u skladu sa članom 69. (Prestanak postupka javne nabavke) stav (1), tačka b) i stav (2), tačka d) Zakona o javnim nabavkama Bosne i Hercegovine, poništiti postupak javne nabavke, pa je donesena odluka kao u dispozitivu.**

#### **POUKA O PRAVNOM LIJEKU:**

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa čl. 99. i 101. Zakona o javnim nabavkama.



#### **DOSTAVITI:**

1. Ponuđačima x 3,
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: [ministar@mup.ks.gov.ba](mailto:ministar@mup.ks.gov.ba)